

Сулейман-Стальский райондин общественно-политический газет

КУЪРЕДИН ХАБАРАР

№31 (26504)

Жуьмя, 29-июль, 2022-йис
Газет гьафтеда садра акьатзава.
Маса гунин кьимет азадди я

Хабарар. Хабарар. Хабарар

Бегьерлу зегьметдин нетижа

Къвалахда агалкьунрай ва гзаф йисарин бегьерлу зегьметдай «Куркентская средняя общеобразовательная школа №1 им. М. М. Рагимова» МКОУ-дин преподаватель Мегьамедкерим Гьасанбековаз «Дагъустан Республикадин лайихлу муаллим» - гьурметдин твар ганва. Идан гьакьиндай талукь тир Указдал (24-нумрадин) Дагъустан Республикадин Кьил Сергей Меликова 2021-йисан 10-декабрдиз кьул чугуна.

Гьукуматдин награда алаатай гьафтеда Сулейман-Стальский райондин Кьил Саид Темирханова администрацияда М. К. Гьасанбековаз шад гьалара вахкана.

Райондин Кьил Саид Темирханова гьукуматдин чехи награда Мегьамедкерим

Кьагьримановичаз рикъин сидкьидай мубаракна, яргьал йисарин намуслу ва бегьерлу зегьметдай адаз чухсагьул малумарна, гьакъни адахь мягькем сагьламвал, хушбахтлувал хьана кьанзавайди лагьана.

Школайра ремонтрин къвалахар ахтармишна

Сулейман-Стальский райондин Кьил Саид Темирханов ва Дагъустан Республикадин Гьукуматдин Председателдин заместитель Нариман Абдулмуталибов муниципалитетда умуми образованидин идарайра капиталный ремонтрин къвалахар кьиле тухузвай гьаларихь галаз таниш хьана. Райадминистрациядин Кьилин 1-заместитель Лацис Оруджев, образованидин управленидин начальник Гьубсейин



Шихбабаев ва капиталный эцигунрин управленидин начальник Роберт Мейланов галаз абур РФ-дин «Развитие образования» госпрограммадин, «Модернизация школьных систем образования» проект уьмуьрдиз кечирмишунин сергьятра аваз капиталнидаказ ремонт хьийизвай школайра хьана. Кьилди кьачуртга, Кьулан-Сталрин школадин корпус тамамдаказ, Кьасумхуьруьн 1-нумрадин юкьван школада сад ва пуд лагьай мертебаяр, Цийи-Макьарин юкьван школада кьве корпус, Цийи поселокдин юкьван школада 2-корпус капиталнидаказ ремонт хьийизва.

ДР-дин Гьукуматдин Председателдин заместитель Нариман Абдулмуталибова лагьайвал, ремонтрин къвалахар 10-августдалди акъалттарун лазим я.

Школайра ремонтрин къвалахар еридивди тухунин ва вахтунда акъалттарунин патяхай Саид Темирханова ва Нариман Абдулмуталибова талукь кьуллугьрин руководителриз тапшуругьарни гана.

Важиблу кьуд месэладиз килигна

Алай йисан 27-июлдиз Сулейман-Стальский райондин депутатрин Собранидин 14-заседание кьиле фена. Адан къвалахда райондин Кьил Саид Темирханова, райадминистрациядин Кьилин заместителри, хуьрерин поселенийрин кьилери, районда кардик квай федеральный, республикадин ва муниципальный кьуллугьрин руководителри, общественный тешкилатрин ва СМИ-рин векилри иштиракна.

Заседание райондин депутатрин Собранидин председатель Штибег Мегьамедханова ачухна ва кьиле тухвана.

Заседанидал агьадихь галай меслайриз килигна:

1. «Сулейман-Стальский район» муниципальный райондин Уставдик дегишвилер ва алаваар кухтунин гьакьиндай.

2. «Сулейман-Стальский район» муниципальный райондин бюджетдин гьакьиндай» Положение тесстикьарунин гьакьиндай.

3. Муниципальный райондин депутатрин Собраниди 2021-йисан 27-декабрдиз 89-нумрадик кваз кьабулай «2022-йис ва пландин девирдин 2023 ва 2024-йисар патал «Сулейман-Стальский район» муниципальный райондин бюджетдин гьакьиндай» решенидик дегишвилер кухтунин гьакьиндай.

4. «Сулейман-Стальский район» муниципальный райондин «село Юхари-Стал» хуьруьн поселенидин генеральный пландик дегишвилер кухтунин проект тесстикьарунин гьакьиндай.

Инвесторрив куьмек агакьда

Дагъустан Республикадин саки вири муниципалитетра инвестициярин проектар уьмуьрдиз кечирмишзава. И жигьетдай Сулейман-Стальский район регионда вилик жергеда авайбурукай сад я.

Алаатай гьафтеда Махачкьалада Дагъустан Республикадин Гьукуматдин Председатель Абдулмуслим Абдулмуслимова регионда проектар кьилиз акьудзавай государстводин патай куьмек гун патал махсус конкурс тухузвай комиссиядин заседание кьиле тухвана, адан иштиракчийри республикада кьилиз акьудзавай пуд проектдиз кар алайбурун (приоритетный) дережа гунин месэла веревирдна.

Лагьана кьанда, ВКС-дин кьайдада заседанидин къвалахда Сулейман-Стальский райондин администрациядин Кьилин 1-заместитель Лацис Оруджева ва райондин хуьруьн майишатдинни суьрсетдин управленидин начальник Кьязи-агьмед Кьязи-агьмедова иштиракна.

Заседанидал, кьилди кьачуртга, «Дербентда чехирар хкуддай компания эцигун» (теклифнавайди – Дербентдин чехирар хкуддай компания), «Дагъустан Республикада интенсивный багьлар (ичин ва шувьмягьин) кутун ва майваар хуьдай чка арадал гьун» (теклифнавайди – «Полоса» ООО), «Индустриядин эцигунрин «Каспий» комплекс арадал гьун»

(теклифнавайди – «Капитал Инвест-Пром» ООО) проектриз килигна.

ДР-дин Гьукуматдин Председатель Абдулмуслим Абдулмуслимова хабар гайивал, «Капитал Инвест-Пром» ва «Полоса» ООО-рин инвестициярин проектриз талукь документар лазим кьурулушралди таьминарунин рекьай куьмек гун патал Россиядин экономикадин рекьай вилик финин министерстводиз рекье тунва.

Заседанидал Дагъустан Республикадин карчивилин ва инвестициярин рекьай Агентстводин руководитель Артем Хрюкина проектрикай мадни гегьенш рахунар авуна. Ада лагьайвал, кар алайбурун дережа авай вири проектар эменидилай гузвай налогрикай азадда. Идалайни гьейри, абур патал кьазанжидилай гузвай налогрин кьадарни 4 процентдин тимилярда.

Заседанидал килигай проектриз ДР-дин Минимуществодин, Минэкономразвитиядин, Минстройдин, Минсельхозпромдин ва маса министерствойрин руководителрини чпин кьимет гана.

Гуьруьшдал орден вахкана

Сулейман-Стальский райондин Кьил Саид Темирханова Украинада кьиле физвай махсус серенжемда телеф хьайи районгьлийрин хизанрихь галаз гуьруьшар тухузва, абуроз башсагьлугьвал гузва. Алаатай гьафтеда райондин Кьил махсус серенжемда игитвилелди телеф хьайи Арсен Гьабибован багьрийрихь галаз гуьруьшмиш хьана.

Райондин Кьил Саид Темирханова чи аскерри махсус серенжемда районгьлийри викгегьвилер кьалурзавайди, Ватандин вилик кьуллугьдин рекьай хиве авай буржи тамамарунин карда акъалтгай кьегьалвилер кьалурзавайди кьейдна.

Райондин Кьили Арсен Гьабибован багьрийриз башсагьлугьвал гана, махсус серенжемда кьалурай кьегьалвилей Арсен Гьабибов лайихлу хьайи (кьейидалай гуьгьуьниз) орден «Мужества» регьметлудан уьмуьрдин юлдашдив вахкана.

Чаз алава хьийиз кьанзава хьи, 1989-йисуз дидедиз хьайи А. Гьабибова Цийи поселокдин юкьван школа акъалттарна. Комсомольск на Амуре шегьерда армиядин жергейра кьуллугьна. 2013-йисалай ада контрактдай Крым Республикада (Симферопольский район, поселок Перевальное) РФ-дин Яракьлу Кьуватрин жергейра кьуллугь ийиз эгечна.

2017-йисуз ам эвленмиш хьана. Ар-

сен Амрулагьович ва Полина Тагьировна Гьабибоврин хизанда кьве аял чехи жезва: гада Саид ва руш София.

Украинада махсус серенжем кьиле тухуз эгечлай сифте йикьара старший сер-



жант Арсен Гьабибов гуьгьуьлувилелди Украинадиз фена.

2022-йисан 3-мартдиз Украинадин Николаевский областдин Баштанка шегьердин патарив кьегьал хчи чи аскеррив ацанвай женгинин машин ва юлдашар артиллериядин тупарикай-цуккай кьутармишна, вич игитвилелди телеф хьана.

Арсен Гьабибован экуь кьамат эбеди яз халкьдин риклера амукьда.

Чин гьазурайди - Хазран Кьасумов

Зулунни хьуьтлуьн кьайгьуйра – гатун йикъара

Дагъустан Республикадин Кьил Сергей Меликова 2022-йисан 22-июлдиз тухвай совещанидин протоколдихь галаз кьадайвал, «Сулейман-Стальский район» муниципальный райондин администрациядин 173-нумрадин постановлендалди ЖКХ-дин (яшайишдинни коммунальный майиштар) 2022-2023-йисарин зулунни хьуьтлуьн сезондиз газурунин серенжемрин план ва социальный, ЖКХ-дин хилерин объектрал тухудай Кьвалахрал гуьзчивалдай комиссиядин состав тестиькарнай.

Райондин Кьилин распоряжендалди ЖКХ-дин объектар зулунни хьуьтлуьн сезондиз газурунин рекъай райондин штабни ва адан составни тестиькарнай.

Райондин территориядал чимивилелди таьмин ийидай (теплоснабжающий) ва чимивилихь галаз алакьалу тир (теплосетовой) организацияр алач. Райондин территориядал гзаф квартирайрин 17 кьвал ала. Яшайишдин и кьвалера дараматрин иесияр яз арада масад авачир идара авунин кьайда (тегьер) хьянава.

Тухудай серенжемрин план ва комиссиядин состав галаз ракурзавай чарни галаз Дагъустан Республикадин яшайишдин инспекциядиз ва талукь тир министерствойриз ведомствойриз рекъе тунва.

Зулунни хьуьтлуьн сезондиз газурувилер акунин кьвалахар кьиле физвай гьалдикай муниципальный райондин администрацияди гьар вацра садра ДР-дин энергетикадин министерстводизни малумат гузва.

Алай вахтунда тестиькарнавай пландихь галаз кьадайвал ЖКХ-дин объектар зулунни хьуьтлуьн сезондиз газурунин жигьетдай Кьвалахар тухузва. Кьилди кьачуртла, муниципальный райондин вири поселенийра, образованидин организацияйра, здравоохраненидин ва культурадин идарайра цаяр хьийидай сезондиз газурувилер аквазва. ИкI, образованидин организацияйра цаяр хьийидай кьурулуш (система) кьайдада тунин кьвалахар тамарзава.

Агъа-Сталрин СОШ-да газдин 6 котел гьили тукьлуьрнавай бур я. Амур сертифицированвай буралди дегишарунин лазимвал ава. Кьасумхуьруьн 1-нумрадин СОШ-да авай 2 котелдикай сад кьвалахдай гьалда авач.

Курхуьруьн 1-нумрадин СОШ-дин 2 котелдикай сад чьуру я, ам кьвалахдай гьалда авач.

Герейханован 2-нумрадин СОШ-дин 2-корпусдин цаяр хьийидай котелни ремонт хьувунин чарасузвал ава, Вини-Сталрин СОШ-да авай 2 котелдикай сад кьвалах жедай гьалда авач.

Хтуьрин ва Пиперхуьруьн НОШ-риз газ гьанва, анра бугьдалди чимивил ийидай кьурулуш кардик кутуна кланзава.

Ичинрин ООШ арендада кьунвай дараматда ава, ана кларасрин цай хьувуна чимивил твазва.

Агъа-Хьартасрин ва Вини-Хьартасрин ООШ-ра документар гьазурнава, газдин кьурулушдихь акалдай ихтиярни кьачунва, гила клемайди газдин линиядихь

акалун я. Кьахцугьрин СОШ-да цаяр хьийидай газдин пич ва счетчик кьачунва, амма хуьруьн газопроводдиз газ ахьайдалди газдин кьурулушдик акалдай ихтияр ганвай документар кьабулзава. Алай вахтунда цаяр хьийидай кьурулушдин насос кьвалахдай кьайдада авач.

Зизикрин СОШ-да цаяр хьий-



идай котел ремонт хьувунин лазимвал ава, Алкьвадрин СОШ-да 2 котелдикай сад кьвалах тийидай гьалда ава, идан гьакьиндай кьурулуьгзавай организация хабардар авунва.

Цийи Макьарин ва Вини Сталрин аялрин бахчайра газдин котелар дараматрин кьенепата ава, гьавилий тадаракар аялрин бахчайрин дараматрин кьецел акьудун патал цийи дараматар эцигунин лазимвал ава. Нуьцлуьгьрин аялрин бахчада авай цай хьийидай котел гьили тукьлуьрнавайди я, ам сертифицированвайдал эвез авун чарасуз я.

Кьварчагьрин аялрин бахчада газдин котелдин аппаратура ремонт хьувуна кланзава.

Муниципалитетдин культурадин идарайрани зулунни хьуьтлуьн сезондин вахтунда объектри ара агьунар авачиз кьвалах авун патал тайин кьвалах тухузва. Сезондиз газурувилер акунин жигьетдай тухудай серенжемрин план тукьлуьрнава. Объектар зулунни хьуьтлуьн сезондиз газурунин кьвалахрал «ЖКХ и благоустройство» МКУ-ди ва райондин комиссияди гуьзчивал тухузва.

Райондин культурадин хиле 5 учреждение ава, абурукай яз поселенийра кардик квай филиаларни галаз ЦТКНР ва библиотекарин централизованний кьурулуш (ЦБС). И. Гь. Тагьирован тьварунихь галай ЦТКНР-дихь чкайрал 35 филиал, ЦБС-дихь 27 филиал ава. Хуьрерин клубрин 19 дараматда газ ава, амай дараматра пичера цай хьийизва.

Библиотекайрикай 17-да газ ава, 7-да пичера цай хьийизва, 4 библиотека кьилдин ксарин кьвалера ава.

Газ тухванвай вири идараяр цай хьийидай сезондиз гьазур я, амма пул тагун себеб яз са бязи идарайрин газ агьанва.

Культурадин дворецда, аялрин музыкальный ва художественный школайрани профилактикадин кьвалахар тухванва, чимивил гудай кьурулушар кьвалахдин кьайдада ава.

Хуьрерин 11 библиотекада кларасрин цай хьийидай пичер эцигнава. Анриз кларасар хьун патал тамарин майишатдихь галаз икьарарар кутгунун ва пул гун лазим я. И месэла рази тирвилин кьайдада гьайлайла, цаяр хьийидай сезондалди гьазурвилер вири кьвалахар акьалтI жедат.

«Сулейман-Стальский ЦРБ» ГБУ-дани сагьламвилер идарайра зулунни хьуьтлуьн сезондиз акьвазунар авачиз ва санитариядинни чимивилер кьайда хуьналди кьвалах авун патал са жерге серенжемар кьиле тухванва. Серенжемрин пландин бинедаллаз хьувуна кланзавай кьвалахар 15-августдилай 25-сентябрдалди тамамарна куьтягьда.

Медицинадин 8 идарада (ФП-ра ва ФАП-ра) хьуьтлуьн вахтунда пичера кларасрин цай хьийизва, анриз газ гьанва. Анагар 1-октябрдалди кудай кларасралди таьминарда.

Даркьуш-Кьазмайрин врачбный амбулаторияда аниз кьезвай пациентриз ва кьвалахзавай работникриз бес кьадар чимивил гун патал кардик квай чимивилер кьурулушди санитариядинни эпидемиологиядин ва санитариядинни гигиенадин истемешунриз жаваб гузва. Идахь галаз алакьалу яз ана идарадин вичин кьилдин чка дуьзмишун лазим я.

2022-2023-йисарин зулунни хьуьтлуьн сезондиз газурувилер акунин сергьятра аваз райондин хуьрерин поселенийрани агьалияр, образованидин, культурадин ва яшайишдин маса объектар чимивилелди, целди, электричестводалди ва газдалди таьминарун патал тайин кьвалах тухванва. Кьилди кьачуртла, хуьрера 790 п/м цин цийи линияр тухванва, Алкьвадрин, Кьасумхуьруьн, Герейханован хуьруьн, Цийи-Макьарин, Кьварчагьрин, Уллу-Гьетягьрин, Цмуррин, Вини-Сталрин хуьрерин поселенийра ва Хпюкьрин, Агъа-Сталрин хуьрера чьуру гьалда авай 2550 п/м цин линияр дегишарна ва ремонт хьувуна.

Зулунни хьуьтлуьн сезондиз газурувилер акунин сергьятра аваз 32-нумрадин ДЭП-ди (дорожно-эксплуатационное предприятие) чьуру гьалда авай кьир цанвай рекьерин участка (санлай 3600 кв. м.) фуьрар ремонт хьувуна, херхем вегьенвай 17 км. рехь кьайдадиз хкана, рекьера муьклар цьурурдай 2 тонн технический кьел ва герек маса шейэр, рекьерин 5 улакь-техника гьазурнава.


2022-2023-йисарин зулунни хьуьтлуьн сезондиз газурувилер авунин рекьерай тухузвай кьвалахар районда тешкилнавай штабдин ва райондин Кьил Саид Мусинович Темирханован кьетIен гуьзчивилик кьа.

Кьейд: макьала «ЖКХ и благоустройство» МКУ-дай гайи справккадин бинедаллаз гьазурнава.

Хазран Кьасаумов, РФ-дин журналистрин Союздин член

Агьалияр кьабулна

Алай йисан 22-июлдиз райондин Кьил Саид Темирханова чпихь дерди-бала, арза-ферзе авай хуьрерин агьалияр кьабулна. Арзаярни, асул гьисабдай, чеб кьвалахдалди таьминарун, кьвалериз ва социальный объектрал экверин линияр гьунин, яшайишдин кьвалер эцигдай чилин участокар гунин, материальный жигьетдай куьмек авунин, коммерческий объектриз герек документар гьазуриз куьмек авунин патахьай тир.



Кьилди кьачуртла, Арсен Абдулмуслимова (Кьасумхуьр) ва Марият Алиевади (Вини-Стал) кьвалериз электрикдин эквер гьунин патахьай куьмек гун тлалабна. Райондин Кьили и кардин патахьай хуьрерин поселенийрин кьилерихь ва РЭС-дин руководстводихь галаз санал и месэладиз килигун «ЖКХ и благоустройство» МКУ-дин директор Т. Абдулаев тапшуругь гана.

Цийи Макьарилай тир Алина Алиева райондин Кьилин патав яшайишдин кьвалер эцигдай чилин участок кланз аганвай.

Санлай кьачурла, и юкьуз райондин Кьилин патав Кьасумхуьрелай, Вини-Сталдилай, Цийи Макьарилай, Алидхуьрелай, Герейханован хуьрляй тир 10 кас агана. Абурухь С. Темирханова дикьетдивди яб акална, са бязи месэлаяр гьялуни патахьай АСП-рин кьилериз, талукь кьулуьгьрин руководителриз тапшуругь гана.

Арзадиз атай агьалийрин месэлаяр гьялуни кьвалах Саид Темирханова вичин гуьзчивилик кутуна.

Асият Мирзалиева

Рекьер цийикла тухкьлуьр хьийида

Райондин Кьил Саид Темирханова талукь кьулуьгьрин пешекаррихь галаз рекьерин майишатдин объектар капиталнидаказ ремонт ва цийикла тухкьлуьр хьувунин месэлаяр веревирдна.

Гуьгуьнлай Саид Темирханов, райадминистрациядин Кьилин 1-заместитель Лацис Оруджев, капиталный эцигунин управ-



ленидин начальник Роберт Мейлановни галаз, Курхуьрел фена, «Куркент-Карчаг-Сиртыч» автомобилрин рекьин участок капиталнидаказ ремонт хьувуниз гьазурнавай гьал ахтармишна.

ДР-дин транспортдин ва рекьерин майишатдин министерстводи тестиькарнавай серенжемрин сергьятра аваз 2022-йисуз ва гуьгуьнни йисара Сулейман-Стальский райондин территориядал инфраструктурадин са шумуд объект капиталнидаказ ремонт ва цийикла тухкьлуьр хьувун пландик кутунва. Абурун жергеда «Куркент-Карчаг-Сиртыч» автомобилрин рекьин Курхуьруьн юкьвай фенвай участкани ава.

Лагьана кланда, Сулейман-Стальский ва Табасаран районрин 4 хуьр алакьалу ийизвай рекьин и участок чьуру гьалда аваз гзаф йисар тир.

Райондин Кьил Саид Темирхановаз пешекарри лагьайвал, рехь капиталнидаказ ремонт хьувуниз гьазур я, подряддин организация тайинардай конкурсдин кьайдаярни акьалтIарнава. Муьквал вахтара рекьин и участкада ремонтдин кьвалахар тухунив эгечIда.

Х. Гьажибалаев

Гатун Квалахриз – йигин еришар

Агакънавай бегьер кватI хыйизва

Тебиатдин кьанун тирвал, са кьунизни килиг тавуна вахтуну гьамиша виликди еримишда. Гьар са вахтунизни вичиз хас лишанар, вичин кьетГенвилер ава. ИкI, тамамвилелди вичин ихтиярда гьатнавай гад хуьруьн майишатдин карханаяр, лежбервиллини фермервиллини майишатар, арендаторар, хуьрерин зегьметчи-яр патал квалахрин кьизгьин вахт я. ГьикI лагьайтIа, уьзюьмлухрани багълара, производводин хилера агротехникадин серенжемар кьиле тухунихь галаз санал, абурун вилик агакънавай бегьер кватI хуьрунни жавабдар везифани акъвазнава. Алай вахтунда районда техилар, емишар, салан ва бустандин няметар кватI хыйизва.

Райондин Кьил Саид Темирханов алагай гьафтада райондин хуьруьн майишатдин са шумуд карханада ва арендаторрин участокра хьана, ада анра техилар ва маса няметар кватI хуьрунни квалахар кьиле физвай гьал ахтармишна.

Майишатриз фегила райондин Кьилихь адан I-заместитель Лацис Оруджев, хуьруьн майишатдин ва суьрсетдин управленидин начальник Кьязиагьмед Кьязиагьмедов, райондин Информагентствонин журналистар галай.

Чил менфятлувилелди ишлемишзавай, кьецепатай кьадагьяр эцигнавай алай вахтунда дурумлу экономика арадал гьун патал квалахзавай хуьрерин поселенийрик Курхуьруьн поселение акатзава.



Хуьруьн кьилихь ва кIанихь галай, хейлин йисара чIурухьан чкаяр яз амукуьай «Паласа» ва «Дугун» участокра шуюьмягьин багълар кутуни ва техилар цуни райондин гьакимрин гуьгьуьлар шадарна

Райондин Кьил Саид Темирханов, жавабдар кьуллугьгьилиярни галаз, сифтедай арендатор Замир Шайдаеван кьуьлуьн никIиз фена. Кьизилдин ранг алай никIе гьам кьуьлуьн, гьамни самун тарифдин бегьер авайди гьасятда виле акъзава.

Арендатордихь 12 гектар кьуьлуьн никIер ава. Анрай гад агудунал са комбайни ва техил дашмиш хуьвунал «ГАЗ-53» маркадин машин машгьул тир. Пресс-подборщик галай тракторди самар тукьвера кьазвай.



Арендатор Замир Шайдаева райондин гьакимриз лагьайвал, никIерай 50 тонндилай тIимил тушиз техил кватI хуьвун планла-мишнава. Техилини ири ва михьи я.

Райондин Кьил Саид Темирханов хуьруьн кьилихь галай «Паласа» участкада авай аренда-

торрин никIеризни фена. ИкI, тежрибалу арендаторар тир Нарим Саругьланова ва Сефербег Шайдаева 36 гектарда техилар гьасилнава. Анра гад агудунал са комбайни машгьул тир. Кьуьлуьн бегьерни писди туш.

Арендаторри райондин Кьилиз ва адахь галай жавабдар кьуллугьгьилияр лагьайвал, кьуьл гьар са килограмм 14 манатдай маса гузва, муьштериярни ава. Амма арендаторрик-магьсулдаррик секинсувал кутазвай месэлани ава. Амни самун алафдиз муьштерияр тахьун я. Арендаторар тир Замир Шайдаева, Сефербег Шайдаева ва Нарим Саругьланова лагьайвал, алагай йисара абурувай самун алаф, асул гьисабдай, Хив, Агьул ва Кьурагь районрин малдарвиллини карханайри, агьалийри маса кьачузвайди тир. Цинин йисуз абуруз самар кIанзавач, вучиз лагьайтIа, гьанра цIи векьер бул я.

- Самар ужуз кьиметдай кьванни кьачудайбур хьанайтIа, чаз гад агудай механизаторриз-комбанерриз гудай пул кьванни жедай, - лугьзува Сефербег Шайдаева.

Райондин гьакимри арендаторриз самар маса гуни патахьай са «рехь-хвал» жагьурун хиве кьуна.

Лагьана кIанда, санлай кьачурла, районда 1023 гектардай гад кватI хыйизва. Алай вахтунда и квалахар эхиримжи гектарра кьиле тухузва. Юкьван гьисабдалди гектардин бегьерлувили 25-26 центнер тешкилзава.

НикIерай 400 тонндив агакъна самарни кватIнава. Кьейд авун лазим я хьи, райондин хуьруьн майишатдин карханайра, КФХ-ра, арендадин участокра емишар (670,5 гектардай), кьарпузарни гатун халияр (105 гектардай), салан няметар (938 гектардай), картуфар (282 гектардай) кватI хуьрунни давам жезва.

Санлай кьачурла, райондин Кьил Саид Темирханов ва адахь галаз карханайризни майишатриз феги жавабдар кьуллугьгьилияр районда гад агудзавай ва бегьерар кватI хыйизвай гьалдилай рази яз амукуьна.

Текст кхьейди ва шиклар ягьайди Хазран Кьасумов я

Решение № 25**Собрания депутатов сельского поселения «сельсовет Карчагский» № 25 – V созыва****Об утверждении отчета по исполнению бюджета МО сельское поселение «сельсовет Карчагский» за 2-квартал 2022 года**

Руководствуясь ст.264.2 Бюджетного кодекса РФ Собрание депутатов МО сельское поселение «сельсовет Карчагский» решает:

1. Утвердить отчет об исполнении бюджета по доходам и расходам бюджета сельского поселения «сельсовет Карчагский» за 2-квартал 2022 года (приложения № 1 и № 2).

2. Отчет об исполнении бюджета сельского поселения «сельсовет Карчагский» за 2022 года, согласно приложениям №1 и №2 опубликовать в районной газете «Кюринские известия».

3. Контроль исполнения настоящего постановления возложить на главу администрации сельского поселения «сельсовет Карчагский»

Председатель сельского Собрания

К.А. Абдулмеджидов

Распределение расходов местного бюджета за 2-квартал 2022 года по разделам и подразделам классификации расходов (т. рублей)

| Наименование показателя | Код расходов по бюджетной классификации | Фактически израсходовано |
|---|---|--------------------------|
| 1 | 2 | 3 |
| Израсходовано - всего | x | 3115,2 |
| В том числе: | | |
| Общегосударственные вопросы | 01 | 594,2 |
| Функционирование Правительства Российской Федерации, высших исполнительных органов государственной власти субъектов Российской Федерации, местных администраций (органа местного самоуправления) | 0104 | 594,2 |
| Выборы | 0107 | - |
| Резервный фонд | 0111 | 0 |
| Национальная оборона | 02 | 111,3 |
| Расходы на осуществление полномочий по осуществлению первичного воинского учета на территориях, где отсутствуют военные комиссариаты в рамках непрограммных расходов органа местного самоуправления | 0203 | 111,3 |
| Национальная экономика | 01 | 188,5 |
| Расходы на бухгалтерию | 0113 | 188,5 |
| Дорожное хозяйство (дорожные фонды) | 0409 | |
| Разграничение земель | 0412 | 300 |
| Жилищно-коммунальное хозяйство | 05 | 626 |
| Коммунальное хозяйство | 0502 | 72,2 |
| Благоустройство | 0503 | - |
| | 0503 | 167,8 |
| Оплата труда по договору | 0505 | 386 |
| Образование | 07 | 0 |
| Культура и кинематография | 08 | 1250 |
| Функционирование учреждений культуры | 0801 | 1250 |
| Социальное обеспечение | 10 | 20 |
| Физкультура и спорт | 11 | 25 |

Объем поступлений доходов за 2 кв. 2022 год по основным источникам, по кодам видов доходов, подвидов доходов, классификации операций сектора государственного управления, относящихся к доходам бюджета (тыс. рублей)

| Наименование показателя | Код дохода по бюджетной классификации | Фактически поступило |
|---|---------------------------------------|----------------------|
| 1 | 2 | 3 |
| Поступления по доходам - всего | x | 3145,5 |
| в том числе: | | |
| Дотации бюджетам сельских поселений на выравнивание бюджетной обеспеченности | 00120215001100000150 | 2476,6 |
| Субвенции бюджетам сельских поселений на осуществление первичного воинского учета на территориях, где отсутствуют военные комиссариаты | 00120235118100000150 | 132 |
| Средства, передаваемые в бюджет муниципального района на исполнение | 00120240014100000150 | 406,2 |
| Налог на доходы физических лиц с доходов, источником которых является налоговый агент, за исключением доходов, в отношении которых исчисление и уплата налога осуществляются в соответствии со статьями 227, 227.1 и 228 Налогового кодекса Российской Федерации (пени по соответствующему платежу) | 18210102010011000110 | 48,8 |
| Единый сельскохозяйственный налог (сумма платежа (перерасчеты, недоимка и задолженность по соответствующему платежу, в том числе по отмененному) | 18210503010011000110 | 32,4 |
| Налог на имущество физических лиц, взимаемый по ставкам, применяемым к объектам налогообложения, расположенным в границах сельских поселений (сумма платежа (перерасчеты, недоимка и задолженность по соответствующему платежу, в том числе по отмененному) | 18210601030101000110 | 2,2 |
| Налог на имущество физических лиц, | 18210601030102100110 | 0,9 |
| Земельный налог с физических лиц, обладающих земельным участком, расположенным в границах сельских поселений (сумма платежа (перерасчеты, недоимка и задолженность по соответствующему платежу, в том числе по отмененному) | 18210606043101000110 | 3,6 |
| Земельный налог с физических лиц, обладающих земельным участком, расположенным в границах сельских поселений (пени по соответствующему платежу) | 18210606043102100110 | 28,8 |
| Арендная плата | 00111105025100000120 | 8385 |

Сведения о численности муниципальных служащих органов местного самоуправления сельского поселения «сельсовет Карчагский» и фактических затрат на их денежное содержание за 2 квартал 2022 г.

| Категория работников | Среднесписочная численность работников, чел. | Фактическая расходы на заработную плату работников за отчетный период, тыс. руб. |
|---|--|--|
| Муниципальные служащие органов самоуправления сельского поселения | 2 | 330,084 |

Ватанперес хва Хсейхан

Инсанри хязавай ва чеб гьадан несияр жезвай пешеяр гзаф ва жуьреба-жуьре я. Амма виридалай кьетлен ва герек пешени ава – Ватан хуьн! Ватан клан хьунин ва хуьнин гьиссер гзаф инсанрин бейнидик дидедин некъедихь галаз санал акатзава. Гъавилай Диде ва Ватан гафар сад хьиз чаз ала ва багъани я. Нейнки Дагъларин уьлкведа, санлай Къавкъазда къадимлу ва такабурлу лезги халкъдин арадай Ватан хвейи, хуьз-вай кьегьал инсанар вири девирра акъатна, абур чи йикъарани ава

Винидихь гьанвай веревирдер ийидайла рикел Дагъстандин халкъдин шаир Майрудин Бабаханован шиирдин цIарарни кьезева: «Ватандин сир алцум жедач, Камарални чипIерал, Ам алцумиз жеда анжах, Адахъ кузвай рикIерал». Ватандинхь рикI кузвай кьегьал рухвайрикай яз завай Украинада тухузвай женгинин махсус серенжемда гьа сифте йикъарилай иштиракзавай, гьа идалди ватанпересвал кьалурзавай Россиядин Яракьлу Къуватрин капитан Хсейхан Азимович Шихабдулаеван тIвар кьаз жеда. Сулейман-Стальский райондин Агъа-СтIалрин хуьрай тир ам рухсат гана кIвалит хтанва, чаз адахъ галаз гуьрушмиш жедай мумкинвални хьана.



- Чи кудратлу уьлкведин Яракьлу Къуватрин офицер хуьн гьеле школада кIелзавай йисарилай зи рикIе авай мурад тир, - суьгьбетзава Хсейхан Азимовича. – Гъавилай

2013-йисуз акьалтIарна. Жегьил офицерди Ватандиз кьуллугъ авунин рехъни гьа и йисуз Санкт-Петербург шегьердин военный институтда инженер-

но-технический взводдин командирвилелай башламишна.

Кьуллугъдин «КIарарайни» фад-фад хкаж хьана. Ада жуьреба-жуьре частара команда гудай гьар жуьредин кьул-

Хиве авай везифаяр викIегьдаказ кьилиз акъудунай капитан Шихабдулаеван Россиядин Федерациядин Президент Владимир Путинан Указдалди 2022-йисан 27-мартдиз «За отвагу» медаль гана.

- Гьелбетда, Россиядин Яракьлу Къуватри Донецкдин ва Луганскдин Халкъдин Республикайра махсус серенжем тухун – им чара атIайла, мадни ДНР-динни ЛНР-дин халкъари тIалабайла авур кар я, - лугъузва Хсейхан Азимовича. – Кье республикадин агъалийрини чи аскерар ва офицерар азид ийидайбур яз къабулна. Украинадин миллетчийри кье республикадани яшамиз жезвай чи стха халкъариз инад къуна са шумуд йис тир. Украина дяведизни гьазур хьанвай. Америка кьиле аваз кье НАТО-ди Украинадиз алай аямдин яракьар гузва, Украинадин патай дяведа иштиракзавай наемникрин, яни гьакьидал кьунвай ксарин къадарни гзаф я. Гьахъ винел акьалтIайдахъ чун инанмиш я.

Гьелбетда, капитан Шихабдулаева чаз махсус серенжемдикай, вичин иштираквилеикай са артух рахунар авунач. Чун адан гъавурда акъазва.

Чаз малум хъайивал, рухсагдин вахт куьтягъ хъайила Хсейхан Азимович Украинадиз хьфида, ада махсус серенжемда иштиракун давамда.

Хсейхан Азимович халис ватанперес, чешнелу офицер хьиз, гуьрметлу хизандин кьилни я. Вичин уьмуьрдин

Хиве авай везифаяр викIегьдаказ кьилиз акъудунай Х. А. Шихабдулаеван РФ-дин Президент Владимир Путинан Указдалди «За отвагу» медаль гана

2008-йисуз хайи хуьруьн юкьван школа акьалтIарай зун Тюмень шегьерда кардик квай маршал А. И. Примлякован тIварунихъ галай Высший военно-инженерный командный училищедик экечIна. Ана кIелдай йисарни акуна-такуна акъатна. РикIе авай мурад кьилиз акъатунал, чи уьлкведин баркаллу Яракьлу Къуватрин жергейра кьуллугъ авунал, Ватан хуьзвайди хьунал кье за дамахни ийизва.

Хсейхан Шихабдулаева военный училище лейтенантвилни чин ва хьсан чирвилер аваз

лугъар тамамарна, аскеррин ва командованидин патай вичиз лайихлу гуьрмет ва ихтибар къазанмишна.

2021-йисалай капитан Х. Шихабдулаева уьлкведин меркез Москва шегьерда Джержинскдин тIварунихъ галай ОДОН-да (отдельная дивизия оперативного назначения) кьуллугъзава.

Россиядин Яракьлу Къуватри Украинада женгинин махсус серенжем кьиле тухуз эгечIай сифте йикъарилай Хсейхан Азимовича гьана вичин ватанпересвал кьалурзава.

юлдаш Разия Алимовнадихь галаз ада кье аял чIехи ийизва, тербияламишзава.

Халис дагъвидиз хас тирвал ватанпересвилни руьгъ квай, Ватандин вилик пак буржи кьилиз акъудзавай Хсейхан Азимовичахъ ва ада хьиз Украинада махсус серенжемда иштиракзавай гьар са кьегьал хцихъ элкьвена, чаз лугъуз кIанзава: куьн, женгинин гьерекаатар куьтягъ хьана, сагъ-саламатдиз хизанрин, багърийрин патав хтурай!

Хазран Къасумов
Шикилда: капитан Х. Шихабдулаев

- Муькуьда ракъинал къаткана вичиз рагъ гузвай. Лацу гардан авай, рехи кIвачер квай, цIалцIам лацу хурудиз мез язвай ам, явашдиз тум юзуриз, аз килигзавай.

Кьуьзуь кьифре лагъана:
- Ахмакь я вун, ахмакь! Гьа гьам я ман чи душман! ТIварни адан кац я..

лер думбулар хьтин экъисай, нер патахъди. Зун адан патавай фидайла, ада сив ахъайна, кIвач хкажна гьарайиз башламишна. КичIевилай зи ийиртийир квахъна, аз фир-тефир чка сал хьана.

- Ам кIек я, - лагъана кьуьзуь кьифре, ада садазни писвал ийидайди туш, адакай садрани кичIе жемир. Муькуь гъайван?

Куьн патал, аялар

Кьифрен тарс

Кьифрен шараг сейрдиз экъечIна. Гьаятра кьекъвена, элкьвена кIвалит хтана.

- Агъ, диде, аз кье гъайван акуна. Сад акурла зегьле фидай, кичIе жедай хьтинди: кIвачер чIулав, бубуяр яру, ви-

Чаз кхьизва

Жемьтди чухсагъул лугъузва

Бубайрин камаллу мисалда лугъузвайвал, хуьр куьчедилай, ватан жуь яшамиз жезвай хуьрелай башламиш жезва. Чазни чун яшамиз жезвай Къасумхуьр багъа я. Эхиримжи йисара райондин центр (амай хуьрер хьиз) кьвердавай чIехи, гуьрчег жезва. Чи Къасумхуьруьн «Шагъ-багъ» микрорайонда социальный рекъерай хьанвай дегишвилерал, дуьзмишвилелни шад я. Редакциядиз и чар за микрорайонда яшамиз жезвай Сулейман Лукъманован, Казим Шихрагъимован, Тельман Лукъманован, Даир Шихрагъимован ва масабурун тIалабуналди кхьизва. Себебни ихътинди я: алай йисуз микрорайонда агъалийрин дуланажагъдин шартIар хьсанардай хейлин кIвалахар тухванва. ИкI, гзаф куьчегар хьсан гьалдиз гьанва. Хуьруьн чкада яшамиз жезвай инсанриз сифте нубатда кIанзавайди хьвадай ва дигидай яд я. Чи микрорайондин агъалияр гьам хьвадай, гьамни дигидай целди тамамвилелди тагъмин я. Идай ва социальный рекъерай тухванвай, тухуз гьиле авай маса кIвалахрай чна Къасумхуьруьн поселенидин администрациядин кьил Далгат Бабаеван ва АСП-дин амай работникриз чухсагъул лугъузва.

Эдуард Агъарагъимов

«Мехъерин шурвадин» презентация

Муьквара Махачкъала шегьерда кардик квай «Мавел» чапханада Агъа-СтIалрин хуьрай тир ДР-дин лайихлу муаллим Рамазан Дадашев «Мехъерин шурва» ктаб акъатайдакай «Куьредин хабарар» газетдин 29-нумрада хабар гана.

И йикъара Къасумхуьруьн телевиденидин студияда «Мехъерин шурва» ктабдин презентация кьиле фена. Сифтедай анал шаир ва гьикаятчи Рамазан Дадашева вичин цIийи ктабдикай малумат гана, ам чапдай акъудуниз куьмек гайи ксариз ва «Мавел» чапханадин коллективдиз чухсагъул лагъана.

«Элкьвей столдихъ» цийиз акъатнавай ктабдикай лезги писателрин Союздин Сулейман-Стальский райондин отделенидин секретарь, журналист Хазран Къасумова, Къасумхуьруьн телевиденидин корреспондент Мизамудин Магъмудова, райондин центральный библиотекадин аялрин ктабрин отделдин заведующий Марал Къурбановади ва масабур чпин фикирар лагъана. Санлай кьачурла, абуру ктабда гьатнавай гьикайириз хьсан кьимет гана, абурухъ акъалтзавай несил тербияламишунин жигъетдай мана-метлеб авайди кьейдна, Рамазан Дадашевахъ яратмишунрин рекъе мадни еке агалкъунар хьана кIанзавайди лагъана.

Эхирдай Рамазан Дадашева вичин «Мехъерин шурва» ктаб «Элкьвей столдин» иштиракчийриз ва Къасумхуьруьн телевиденидин студиядиз савкъат яз гана.

Эльвира Небиева, КТВ-дин директор

Камалдин хазинадай

- Кесиби касди девлетлудан девлетрин къадар гьисабдалди, лампада авай нафтни куьтягъ хьана.

- Гуьлледи са кас рекьиде, гафуни -виш.

- Сиве мезни хазиана я.

- Мугъмандивай «Вуна фу недани?» лагъана хабар кьун «Немир» лагъай мисал я.

- Акьуллу гафуни кьецIил гапурни къакъара хутада.

- Мугъман анжах сифте пуд юкьуз мугъман яз гьисабда.

- Игит кьейитIа, адан машгьурвал амуькда.

- Девлет квадарайди - ваь, лайихлувал квадарайди кесиби я.

- Чиновникди-буйругъдикай, сикIре вичин тумуникай даяк кьада.

- ХьуьтIуьз - цIай, гатуз чуьхвер дарман ятIа, ви руьгъдин, гафуни гъавурда гьасятда акъадай юлдаш, дуст гьамиша дарман я.

- Гафарин нетижа - гафар, марфадин нетижа къацу векъер я.

Утерянный аттестат об основном общем образовании за № 00518001934788, выданный в 2020 году Цмурской СОШ на имя Исламова Имама Ферзилаховича, считать недействительным.

Агъа-СтIал Къазмайрин юкьван школадин муаллимрин ва техработникрин коллективди **Оруджев Орудж Сабирович** кечмиш хьунихъ галаз алакьалу яз адан хизандиз ва муькьва-кьилийриз башсагъулугъвал гузва.

«КЮРИНСКИЕ ИЗВЕСТИЯ»

(на лезгинском языке)

Тешкилатчи: Сулейман-Стальский райондин администрация

Кьилин редактор А. М. Мирзалиева

Редакциядин ва издателдин адрес: 368760, Къасумхуьр, СтIал Мусаибан куьче, 3. Телефон: 3-41-65

Печатдин кIвал

Газетдин электронный почта kizvestiya86@mail.ru

Газета зарегистрирована Южным окружным межрегиональным территориальным управлением по делам печати, телерадиовещания и средств массовых коммуникаций, регистрационный номер ПИ №10-4325 от 28.01.2002г.

Редакциядинни макъалайрин авторрин фикирар сад тахъун мумкин я. Макъалайрин, абура гьизвай деллрин дуьзвилни патахъай жаваб авторри чни гуда. Макъалайриз рецензияр гузвач ва абур элкьвена вахкузвач. Чап ийиз вахкудай вахт 15:00. Чап ийиз вахкхана 10:30 Газетдин индексар: Йисан – 63323; Зур йисан – 51369 Газет йиса 52 сеферда акъатзава. Гь – И лишандик квай материалар гьакьдихъ чапзавайбур я. 12+ - Икьван яшар хьанвайбур кIелтрай. Газет ООО «Типография-М» типографияда чапна, 368600, Дербент шегьер, С. Къурбанован куьче, 25. Тираж 1450. Зак. №